

Crass. Jacq. Univ. reg.

Promotiones Ord. Phil.

1625. 3.

Scraphinomia Jacq. Eriopteris syn-
charmatum.




1185

kat.komp.

L. Mo. St. Dr.

P



ΕΠΙΚΡΟΤΥΜΑ ^Ζ
SYNCHARMATICVM:

Ingenuis Adolescentibus

Primam in Artibus Liberalib. & Philosoph.

LAVREAM

In Celeberrimo D. JAGELLONIS Lyceo

Publicè

CAPESENTIBVS.

A

IOANNE SERAPHINOWICZ, Almæ Acad:
Cracouien. Stud. eiusdem primæ LAVREÆ
Candidato

CONCINNATVM.

CRACOVIAE,

In Officina Typ. Matthiæ Andreouiensis,
Anno Domini 1635.

IN STEMMA
Almæ Academiæ Cracouiẽ.



BIBLIOTHECA
VNIV. IAGELLI
CRACOVIENSIS.

*Nil trepides fraudes, hos tesquẽ domiq; forisquẽ,
Lechia, præsidium quo tuearis habes.
Ecce præit binis fulgens Academia Sceptris,
Hinc ornare togâ te potis inde sayo.*

11851



EPIKROTYMA SYNCHARMATICVM.

A Biste vulgus, nil humili iuuat
Cantare versu, nil tenui fide
Neruoq; tentandum recurrit,
Quod grauiore caret cothurno.
Et mens furorem Pegaseum furit
Percussa blande pectus & entheat
Phœbus Paniphæi Tonantis
Progenies, Heliconis amne.
Non qui renidens Attalicâ penur
Indoctus acrem pauperiem pati
Ardet locupletes acervos
Murice bistoniâ superbus
Quamuis medetur Pannonicis iugis
Musto reperto Chrysea pocula
Rumpens, laboratum saporem
Malobathro madidus capillos.

Pallebat ingenti Pelopis Parens,
Auro, retorsit sed fragilis vices
Fortuna, merfit desperatis
Eutropij miserum periclis.
Non qui secures præficit otio,
Nec qui tumentes sumere competit
Falces, minax dextrâ rigenti:
Nec Tyrius trabeâ est beatus.
Nec qui cruentus pulvere Martio
Accurrit hosti, laudis adoreas,
Captare doctus, perfidumq;
Fata nouit superare belli.
Hic est beatus: qui premitur sacrâ
Insigne lauro tempora, nectare
Docto sepultus, prosperante
Castalidum celebri cothurno.
Quicquid remotum lumine pectoris
Fas & rotundum discere sydera,
Quis vel gubernator fatigat
Empyreos superûm Penates.
Illi, latentis fas erit intima
Spectare naturæ penetralia:

Et quos

Et quos recursus flexa summi
Stella tenet vagabunda cæli.
Qua surgit alto Titan ab æquore
Et qua cubilis conditur alueo.
Et scit coactis vnde plenum
Cornibus alta ferit Dianna.
Quo rauca vento fracta tonitrua,
Nubes quis astris imbriferas trahat,
Et flabra muncto quæ sinistra
Excutiant rabidum Cometen.
Rimatur vndas Carpatij maris,
Et monstra noscit Pontica, tempora
Cernit Promethei, Deiq;
Sæcula falcigeri recenset.
Hac arte fretus diuitis ingenij
Cælo refertus fruge; THOMAS fore
Diuus sat excultæ Magister
Alligerum meruit Phalangis.
Hac te sacratæ Diue Academiæ
Virtus merentem vexit in æthera
CANTIL vetustæ iure Regum
Archetipon soboli relictus.

Testis celebri quisquis Atheneo
Donatus haustis continuis rude,
Sudoribus, famæ perennis
Insolitos referet triumphos.
Nec vos qui in almo cuncta laboribus
Craci Lycæo, culmen olympicum
Virtutis optantes, an heli
Præripitis; sitibunda fallet
Spes, ecce thyrsos tempora Cynthius
Pressus, reuincit primitus auspici
Vestrâ benigno fronte fato
Laurigeros vtinam decores.
Transit supinâ nullus inertia
Lentus suaues nec spoliât fauos
Si delicatâ fronte durum
Impatiens timeat laborem
Sed qui laborum magnanimus tricas
Fastidiosas impiger explicat
Fructus beato suauiore
Nectare & Ambrosiâ libabit.
Eia celebres luridam inertiam
Pellatis obsecro Iuuenum chori

Ultra

Utraque Gelones atq; Parthos
Et studium tribuatis altum.

Maiora longè præmia vos manent
Insigniores laudis ad oreas

Estis recepturi labores

Fronte modo tolerate læti.

Dotes Sophorum Cecropias opes,
Condatis imo mentis in abdito,

Hæc sunt volutis Hermo aceruis
Barbaricis, preciosiores.

Quas non potens est innumerabilis
Prosternere annorum series: neq;

Vulcanus attentat nociuis

Igni omnis temerare flammis.

Quod si sodales tanta sit artium.

Laus orbe toto Palladis enitens

Vt solus existat beatus

Thespiacis sociatus aris.

Quis invidendis æui opibus magis

Mores sequatur, prauaq; tempora?

Vitâ quis immutet beatâ

Diuitias operosiores?

IOANNI

IOANNI FRANCISCO WOLSKI PROTO-
notario Apostolico.

*Enitet alma dies & luce sacratior illa,
Ennius Aonio qua amne rigatus erat.
Fausta precor solitoque veni splendentior astro,
Et iuueni vultu, vel meliore nite,
Non hac Victori Tibi, cinget baltea Martis,
Virtutique dabit, stemmata longa Tuae.
Gloria mortalis citius delabitur Euris,
Ingenio contra stat sine morte decus.
Dum Tibi lauricomam præcingit fronte coronam;
Promptam virtuti sternit Apollo viam.
Diuitias Cræsi, atq; Midæ plebs poscat acervos
Externis virtus incommitata bonis.*

NICOLAO SLOWIKOWSKI.

*Armenium vulgò cunctis præfertur amomū:
Optima Persarum lilia Susa fouet:
Munera Campani desudat bacca Venafri
Fertilius: candens India mittit ebur.
Ditior arbuſtis palmarum fertur Idume
Omnibus, & Lauris solus Olympus ouat.
Ingeni-*

Ingenium mentes Actæas anteit omnes,
Urbe satum, cultum sic Helicone Craci.
Et merito Iuuenis, dexter Tibi fulget Apollo,
Ornat Te & Suadæ dotibus, & Sophiæ.
Fortè Tuam multi cupient effingere sortem,
Sed Te qui possit vincere rarus erit.

IOANNI NOSOWSKI.

*Nunc hilares siquando iuuat, nunc ludite Musæ:
Russi adum resonet pectine pulsa chelis:
Pandite lætitiæ portas cantusque cieta:
Mota sono vestrum & porta Leonis, ouet.
Phæbi namq; recens aris sociatur alumnius,
Præsentis sacris vos, decet esse suis.
At Tu NOSOWSKI, tanto dignatus honore,
Cum propius valeas, accelerato gradum.
Quædo iterum Iuuenem præcinges Phæbe coronâ,
Lætitiæ fiet tam bona causa tuæ.*

IOANNI GRABOWSKI.

SEDibus excelso propriis in monte locatis,
Difficiles aditus cur posuere Deæ?
Scilicet ut quæuis fieri sudore docerent:
Nam quid idem pulchrum, fit simul & facile?

B

Nullus,

Nullus, honorato vinctam stephanomate frõtem
Gestiet, impatiens; si trepidabit onus.
Quam statuit Phœbus Iuuenis Tibi fronte coronā,
Composuit Virtus, texuit atq; Labor:
Plaude, hæc maiores stimulat Te ire per artes,
At mentipoterit crede præire labor.

IOANNI WOLFOWICZ.

*Perge bonis auibus, studiis effingere lauros
Affinum Iuuenis: quos imiteris habes.
Perge laboratas animosus prendere Thyrsos,
Spe fructus, veneunt cuncta labore Dijs.
Grandia ferre licet cogitur, Permesidos umbrâ
Qui prensat patulus, membra locare sua.
Tædia sed prosunt olim superata laborum.
Et quod grande paties, id meminisse iuuat.
Fortunæ Tibi sunt sollertia donaq; mentis:
Amplius an dubitas? perge bonis auibus.*

ADAMIANO NIEWIESKI.

FAtidico Daphnis Phœbo sacrata, repellit
Corpore, Lernæâ, toxica mista lue.
Scipio præ manibus fuit olim, laureus illi:
Qui vicit solus, mille pericla necis.

Ovti-

O vtinam Laurus nobis suscepta, veternum
Ægris pectoribus segne fugare queat!
O vtinam vincat discrimina mille, laborum:
Tum meritó nostrum, Lauriger omnis erit!
Vt possit Iuuenis Tibi condere pharmaca Laurus:
Obscrua propriam nocte dieq; Duce[m].

BARTHOLOMÆO GEBICKI.

*Pegaseas nemo meruit decerpere Lauros:
Cui non Castalidum pocla ministrat aqua.
Miscet enim fortuna vices, Et gloria summum
Ambit, nec facili stat potiunda iugo.
Ingeniose Tuis GEBICKI arridet Apollo
Lauris, verborum siue lepore manis;
Seu Sophiæ nodos malueris soluere, tantum
Naturæ, posthac, excole dona, potes
Sydere Craciadum Pallas Tibi fulget amico:
Omnia cum possis discere, velle Tibi est.*

GREGORIO SCZECINSKI.

OPtátam toties complexus, sume coronam:
Quam Iuuenis Pallas texuit alma Tibi.
Nemo laboratas meruit comprehendere thyrsos
Quia qui duxit desidiosa, sequi.

Hæc Iuuenes Tyrſus, ſeiungit ab agmine vulgi;
Aſſertos grauibus cenſet & eſſe Viris.
Felix ſorte Tua es, ſacrum cui ſumere ſertum
Fas eſt, & Sophiæ limen adire Deæ.
Perge corona comes lauroſq; merere futuros:
SCZECINSKIq; Sophum ſed cito redde togæ.

ALBERTO MROCZKOWSKI.
*Tartaræos fuſcâ pingentes æthera nube,
Tollere conſuevit laurus aduſta Nothos.
Styx licet inficiat rubidâ contagine, mentes:
Miſceat & Ditis dira venena lacu.
Protinus amplexas Lauros exerce labore,
Cocyti votis, grata trophæa feres,
Quos etenim ſentit grandi indulgere labori
Laurus, eis tantum percipit eſſe comes.
Eſte procul ſegnes, molles procul Endimiones.
Laurigerum Caput hos ſuſtinuiſſe nequit.*

LAVRENTIO WALOWSKI.
Si quis erit natura Parens cui pectoris imo,
Vbere defixit ſplendida dona ſinu.
Si quis & Aoniæ, expertus Tullijq; Mineræ
Artes, & verâ ſimplicitate bonus.

Si quis

Si quis erit cui nexa comas concordia lauros
Est cordi: si quis pacis amicus erit:
Si quis erit teneros rubicundus murice vultus;
Ingenui signum fronte pudoris habens.
Si quis erit grauium quondam spes magna Parentū:
Dispercam si non VALOVIVS mihi erit.

NICOLAO WASNIEWICZ.

*Aonius Iuuenem Lauro conuincit Apollo,
Sis praesto sacris, casta Minerva tuis.
Tam bene rami sua necesseuntur lilia seruo,
Quam decorat Iuuenis Laurus amica Caput.
Nec melius pingunt duplicata rosaria Pastum,
Neq; magis verno tempore Flora nitet.
Parrasio certè lux haec sculpenda lapillo:
Quà Iuuenis visit Bellerophontis aquas.
Pulcher Apollo Tui studio correptus alumni,
Hos illi iubeas, saepe redire dies.*

STANISLAO ROSTKOWSKI.

IN tenebris veluti fuscum defixa metalla
Seruant, impolitum nec radiare potest.
Aurum, priuatis studijs exercita Virtus
Sit tantum, proprio sole micare nequit.

Non etenim poterit Virtus caruisse labore,
Immo, nec hac potis est, ipse carere labor.
Cum luuenis celebri redimitum tempora thyrso
Te, vocat in campum docta Minerua suum.
Perge alacer summi conscende theatra laboris:
Sudorum intrepidus namq; onus est, is honos.

IACOBO LANG.

*Felix cui licuit Iuuenum signare coronæ
Finem, qui bellè sæpè coronat opus.
Felix qui discet sudorum prendere metam:
Solutus enim rerum Terminus acta probat.
Sed Tua corda precor non sors oblata fatiget:
Postremo similis, primus honore locus.
Namq; Helicone Deæ, iustus seruetur ut ordo:
Non quæuis primum, quærit habere locum.
Ordine conuerso numeres à fine, videbis
Imus erit primus, primus at imus erit.*



ODE.

O D E.

Excellentissimo Domino.

M. STANISLAO IVRKOWSKI

Colleg. Min. Philosophicæ Facultatis

DECANO.

O Fæcunda Sophis lux Academia!
O & Thespiacum, magna Parens virum!
Quam nec Tyndarides, sydereâ, præit,
Mater fronte superbiens.

Nec fæcunda Deorum Berecynthia,
Felici magis est fertilis vbere,
Te nec Threiciæ præpete virgines
Famâ vincere gestiunt.

Vnum Te memorem risit amabili
Cûi, vultu Clarius, matris ab vbere, &
Ascræis viridis fontibus, ingenij
Restrinxit teneram fitim,

IVRKOWSKI: taciti tempora sæculi
Nec Patris timeas loripedis minas,
Nec nomen tenebræ consopient Tuum:
Vllas nec subibis vices.

Quam

Quam promptum altitonans fulminis alitem,
Expertus famulum, cui face mutuâ
Coniunxit Paphium pectus amoribus,

In flauo Paridâ sato.

Sceptri Lechiadum lux Academia,
Spectauit Sophiæ munia Præsidem
Certo IYRKOVIVM tempore persequi
Doctis sæpe frequentibus.

Obiecti fuerint difficiles licet
Nodi, Gordiacâ compliciti manu:
Non molli ingenio Sicelidum choris
Solvit cuncta fauentibus.

Implexum Physeos dogmata ventilat,
Salsis Cecropij Nicomacho Sophi
Dictis, progeniti, late id Athenæ
Clari, pulpita personant.

Tantum Lechiadum sub penetralibus,
Enutrita valet mens, Academicis:
Fæcundæ Genitricis, fore debuit
Tantæ filius indolis.

Excel-

PRÆCEPTORI

Ac

Mæcenati fauentissimo,

M. ADAMO DRASKI, REGIO

& Ordinario Græcæ Linguæ

PROFESSORI.

QVæ cura mordax, quis Iuuenum labor,

Plenis honorum muneribus sagax

Præceptor, immensos labores

Per titulos memoresq; fastos

Æternet? ô qua sol habitabiles

Illustrat oras, optime DRASCI

Laudum celebrandis trophæis

Conspicuis, niteas in æuum.

Postquam es relatus sub penetralia,

Docti Mineruæ Craciadum Chori,

Penu recluso prosperante

Aonidum memori phalange;

Pericle dignis chrysea vocibus

Cum verba, maui Cecropijs modis

Non

Non tardus inuitâ Minerua
Fundere; dexter adest Apollo.
Te nullus vnquam turgida inertîâ
Victum notauit, continuo mage
Sudore gaudens, in Lycæo
Spartaceos imitatus ausus
Craci: mereris Tu Stephanomata
Mansura seris nota nepotibus,
Nomenq; præclarum & trophæa,
Marmoreis decoranda signis.
Virtus, laboris quæ comes anxij,
Te crede posthac laude scientiæ
Cælestis, extollet Patrumq;
Fatidicæ referet coronæ.
Sic Hercules proles Iouis inclita,
Primo relictis mille laboribus,
Stratisq; Victor mille monstribus,
Sydereos tetigit Penates.
Virtus, repulsæ nescia languidæ,
Te intaminatis cinget honoribus:
Excelsi & inuictum laboris,
Æthereas referet sub arces.

Et quis

10
Et quisquis ambit Te auspice percitus
Oestro Corymbos laurigero, caput
Claro in Lycæo non relinquet
Sæpe Tuum celebrare nomen.
Te quæis regendæ diuite Regulam
Penu, Iuuentæ promissis, & imbuis
Lymphis Caballinis Tyrones:
Vnanimi venerantur ore.

Excellentissimo Domino,

M. IOANNI CYNERSKI RA-

CHTAMOVIO,

Ordinario Eloquent: Profess: Promotori

I. CLASS.

DOnarem pateras Attalicum genus,

Imo corde Tibi, dona fodalium:

Donarem Tyrioq;

Texto condita vellera.

Promotor, neq; Tu talia munerum

Exposcis, vacuus corda libidine

C 2 Num-

Nummum, protulit aut quas
Lydis percupidis opes.
Hermus gemmifero littore nobilis;
Et quas ceruleis Indus aquis legit,
Aut Pactolus arenis,
Voluit flumine prospero.
Sed non hæc mihi vis: non tibi talium,
CYNERSKI est animus, diuitiarum egens,
Auri temnis acervos,
Contentus modico degens.
Contemptæ Dominus splendidior rei:
Felix castra petens nil cupientium,
Correptus famæ sacrâ,
Est auri inter opes inops.
Sed quæ contulerit Sicelidum cohors
CYNERSKI memori carmina, nablo,
Pigra hæc flumina solum
Ingratæ effugient Stygis.
Longo Pyramides depereunt situ:
Languet mole suâ Memphiticus labor:
Messalæ caprificus,
Audax marmora, conficit.

At nec

At, nec furta nocent, sæclaq; nesciunt
Chartis perniciem condere, solaq;

Musarum monumenta,

Æternum nequeunt mori.

Quare parua Tvis accipe pignora

Quamuis non ea sint, æqua laboribus,

Quæ donare Minerua

Præsumpsit, tenui fide.

Excellentissimo Domino,

M. DANIELI OTREBV SZ

Colleg: Minor: Promotori optimo.

SÆpius nostris precibus vocata,

Siue frondosis benedicta lucis

Detinet sacro te, Helicone Clio

Turba Sororum.

Lenta, seu molli recipis quiete,

Fontis Ascræi placidos sulcos:

Huc ades, mecum & fidibus canoris

Incipe grates.

Pangimus clarum Sophiæ Magistrum,

Quem virum sparfit celebrem per ora,
Lechico priscæ pietatis Orbe

Alma Genitrix.

Abditas rerum penetrare vires,
Scire naturæ variosq; mores,
Cæteros inter, potis est, nec vnquam
Cedere doctus.

Improbi, celsos series laboris
Contulit Lauros SIBI iussit atq;
Arduos Cyrrhâ, facilem Penates
Scandere Phæbi.

Nos velut lectum veneramur vno
Ore, Te Myſten Clarij Dynastæ,
Noſtra dum vincis nouiter virenti
Tempora, Lauro.

Et quibus grates numeris canemus?
O ſpei magnæ ſoboles Parentis.
O TREBV SZ, doctè Tibi, laurei q;
Auctor honoris.

Vile promotor, licèt illa ſupplex
Offer at munus Tibi, ne recuſa

Quæ

K. 12
Quæ potest recti studiosa reddit,
Vota Iuuentus.
Vt diu felix vigeas & almæ
Gratus existas gremio Parentis:
Menteq; & lætos referente cantus
Voce precamur.



Que potest recti studio reddere
Vota Iuvenis
Vt diu scilicet vivas & clares
Genua exilis gratia faciens
Mendicis & laicos referre carnis
Voc precor.

Biblioteka Jagiellońska



stdr0009188

